

Anglia insularum quæ ad Europam spectant, omnium maxima, diuersis temporibus diuersa nomina sortita est. Anglia autem vox Cimbrica seu Saxonica est, & hamum significat quo pescatores vntur, ait Beccanus in Saxonice lib. 5. Olim etiam Albion ab albis rupibus, qui ad eam nauigantibus primum apparent, dicta est. Britannia etiam vocabatur, cuius nominis origo iam dubia. Sunt qui à Bruto duce Troiano (quem ex Aquitania huc traiecerunt) sic dictam velint: Beda tamē natione Angelus, à Galliæ populis Britannos appellatos tradit. Angliam alij vocatum aiunt ab Angela Saxonū regina, quæ expulsis gigantibus qui tum eam incolebant, inter suos insulam partiens ac distribuens, vt victoriæ gentisque memoria nunquam intercideret, Angliam à se denominari voluit. Paulò aliter resert Volaterranus, qui non à Regina Saxonum, sed ab Angilis eiusdem Saxoniz illustri populo appellata dicit: quos, cum à Pictis Scottisque molestarentur Britanni, in auxilium vocarunt, atque hac tandem terræ bontite, simul & amoenitate inuitati eos circumuenierunt, ac Insulanorum bona inter se partiti sunt. Hos tamen Angilos Sueos non Saxones fuisse author est Ptolomæus, qui in media Vestphalia ad Amasij fluuij fontes habitarunt. Secus paulò Ioannes Maior narrat in Historia rerum Scoticarum, ait enim Vortigerum regem Britannorum, in subsidium contra Pictos aliosque hostes accersiuisse Engistum quendam Saxonum decem, qui fusis pulsisque hostibus, ipse tandem in regni desiderium inciderit, à se sequi occupatum & captum Engistland vocari voluerit, atque hinc unius vel alterius literæ Metamorpholi, vt sèpe fit, Engistland dici arbitratur. Nec desunt qui credant sic dictam Angliam, quasi Anguli terram, vel nostri orbis angulum. Calcedonia etiam quibusdam ab ingenti in ea eiusdem nominis sylua vocatur. Tota itaque hæc insula, natura triquetra, Siciliæ que similiima, teste Cæsare, hodie in duo diuiditur regna, Angliæ & Scotiæ. Angliæ regnum vocatur pars Insulæ Meridionalis, Galliæ proxima. Terra est eximiè fertilis, ac metallis diues: habet etiam aurum & argentum viuum, cuprum, stannum, plumbum, ferri autem exigua copiam: nec caret salis fodinis, quin & margaritas terra producit, & miræ naturæ Gagatem lapidem, in aqua ardentem, oleo, autem extinguibilem, lapis nigro gemmeus, nullius ferè ponderis, attritu calefactus applicata detinet vt succinum. Pecoribus alendis non alia aptior terra. Ianarum ibi diues mercatura, regioque nobili panno celeberrima, qui inde in longinquas exportatur regiones. Lupos non fert vlo modo, nec vllum venenosum animal, aut rapax, præter vulpem gignit. Terræmotus in ea rari, quemadmodum & fulmina. Diuifum est autem Angliæ regnum in triginta circiter Comitatus: villæ & vici in ea plurimi sunt, vrbesque permultæ Archiepiscopales ex ijs sunt duæ, Eboracum & Cantuaria. Scholæ seu Vniuersitates duæ, Oxonium & Cantabrigia. Londonum totius regni metropolis, Trinouantum olim, & Troia noua dicta, ad Tamesin fluuium magnis nauibus peruum celeberrimum ditissimumque emporium, simul & sedes regia. Eiusdem regni fluuij nauigabiles æstu marino afflentes, & refluxentes, sunt Seuerinus qui per Valliam labens, in Verginium Oceanum effunditur, & Humbria, qui Eboracum præterlapsus Oceano Germanico excipitur. Incolæ rerum nauticarum peritissimi, nullum ferè Orbis angulum inexpolaratum relinquentes. Multa Regnum hoc nobilitate pollet, & quamvis longæua fruatur pace, bellicosissimos ac planè intrepidos producet viros. Legibus vtuntur Angeli municipalibus, cùm Scotti ciuilibus vt-



tur. eadem vtrique genti in bello ferocia, sagittis Angli, hasta longa Scotti in acie præ-
ualent. Rara inter eos pax; dum illi propagare, hi retinere imperium student. Anglica
lingua mixta est ex multis linguis, præsertim Germanica & Gallica, quamvis olim
merè Germanicam fuisse creditur. Porrò de antiqua ac prænobili Anglorum Regū
origine ac successione hæc adiçere non displicuit; Brutum supra nominatum fecuti
sunt Reges sexaginta octo; eorum postremus erat Casiuellanus, qui cum Regno po-
tiretur, in Angliā venit Iulius Cæsar, insulāq; armis superatā Imperio Romano subie-
cit, quā postmodo Romani annos ferè quingentos tenuerē: donec Aetius Burgudioni
bus Galliā vexantibus, legionē Romā, qua vna tū quiescebat Britannia, ex Insula in
subsidium reuocaret. Quo tempore Scotti Piætiq; in Angliā irrumperentes totā Insulam de-
uastarunt. Verum Aetio nullas suppetias insulanis ferente, quamquam sëpe illius o-
pem Subsidiumque implorarent, indignati Britanni Vortigerum sibi Regem elec-
runt, animumque recipentes Saxones Anglos adiutores in Insulam accersierunt.
qui cum fortiter hostes pugnando omnes ex Britannia pepulissent ipsi eam sibi ven-
dicauerunt, Angliamque primi appellauerunt, atque in septem regna distribuerunt:
quorum septimum ac postremum Occidentalium Saxonum Regnum, anno aduen-
tus Anglorum 72. salutis humanæ 520. exordium à Cerditio primo Rege sumpsit,
cuius posteri toti deinde Britaniæ imperauerunt. Horum trigesimus sextus Rex

Heraldus fuit. hunc prelio ab ipso superatum atque occisum sequebatur

Guilhelmus conqueror, anno Christi circiter 1070. à quo vige-

simus est Henricus octauus pater Edouardi, Marie, &

Elisabetæ etiamnum (anno videlicet 1597.)

Sceptrum regale tenentis.

